

中國方志叢書·華中地方·第八七五號

據

清·聶當世修，謝興成等纂
清康熙十一年刊本

影印

江 西 省

進賢縣志

(三)

成文出版社有限公司印行

進賢縣志卷之九

典祀志下

寺觀

寺觀

福勝寺

在縣南遷南嶽廟玉版居在寺後

尹黃

汝亨玉版居記并詩鍾陵民儉境以內山川城郭半
蕭瑟絕少勝地可眺覽獨城南山寺名福勝者去城
里許徑窄而僻都無市喧惟是苔衣樹色相映寺殿
亦淨敞可坐前令於此集父老或諸生五六輩說約
講稅而寺以後方丈地有修竹幾百竿古樹數千株

爲松爲檉爲樟爲朴爲蠟爲柞爲楓
芭蕉細草間之四面牆不盈尺野林山翠
慈菴蒼靄可憐而望六月坐之可忘暑清風
白月秋聲夜色搖搖墮竹樹下間以吏事稀少
獨與往還覺山陰道不遠亦自忘其吏之爲俗
借境汰情似於其中不無少勝因出餘錢命工
築小屋一座圍繻膠四周廳以外長廊尺許帶以
朱闌干薙草砌石可步可倚最後隙地亦佳覆樹
似屋據而坐亦近乎巢樹鑿坏之民而摠之以竹
居勝卽榜竹爲徑題之以小淇園顏其居曰玉版里父

老諸生未始不可與集高客韻士與之俱更益清遠
間覓閒孤往亦復自勝不佞令此地無善狀庶幾此
袈裟地片居爲政林下者云爾已矣昔蘇子瞻邀劉
器之叅玉版和尚至則燒笋而食器之覺笋味勝欣
然有悟蓋取諸此也寺僧一二每見多酒態不知此
味子瞻亦不可多得嗟乎情境曠眎雅俗都捐亦烏
知世無子瞻玉版其人也別一石刻玉版居約戒殺
戒演戲戒多滋味戒毀牆壁籬落砍伐摧敗諸竹木
願後來者共呵護之有越三章者不難覓宰官身而

說法工竣爲壬寅秋九月 偶無門庭喧步出城南
隅披霧漸得嶺開雲遂升衢中有祇樹林古木鬱以
紆亭亭青琅玕玉立與衆殊小構成密陰靜嘯恣所
娛 忽忽白日速五載壇石長事事不如人此間有
微尚空林澹何求冷風起清唱峯前烟光霏松際霞
氣上徙倚無定依歲綖起相向山僧罷逢迎我欲數
來往 塵軌詎有塵禪扉亦何禪菑菑巖壑間此君
足周旋佛火明空翠鍾聲和疎煙啁啁衆鳥語時時
經梵宣懶慢謝人理聊以代歌絃 生平愛結客有

酒常盈樽偃僂巖邑下蕭疎孟嘗門豈無湖海豪清
虛枉相存松下折玉版聊以克盤飧未足快人意素
交夙所敦坡老妙禪喜啓予有器之携手長林下
參承玉版師託根詎離塵冲味了不緇漠漠玄風揚
濯濯清露滋凜然衆味餘冥契良在斯肝紅鄧侍
御漢詩春畦一夜聲霏霏曉望千枝萬枝玉迷暗出
屋青幾尋開窓四面來清陰有如王家佳子弟坐上
觸目皆璵琳主人自是東南美此君閉關畧相似吏
散時復携琴至落日瀟湘生遠思一官羣折柯足論

要於林下存風氣

邑人吳士元詩古寺建南郭幽

居檀勝名孤雲猶自媚好鳥最多情樹杪啣殘照巖

光漏太清隨緣叅玉版此地有金聲

邑人樊良樞

詩孤寺枕高城幽居偃勝情林花開壁色竹嶺散泉

聲柱頰朝逾爽街懷夜正清野人非不逸于此足生

平 傲矣漆園吏超然玉版師取冠千僧楚杖履數

追隨鳳吹生幽谷龍游自葛陂莫言無異政有邑亦

相窺

時有異
雀入坐

入林何必遠一徑足生涯夜冷聞天

籟山空落雨花低枝籠翡翠修影顛龍蛇退院頻來

此談經到法華

華轡披荻藿疏籬網薜蘿坐移山

氣合意愔雨香和靜院來蕭管虛庭足嘯歌不知城
郭近疑向碩人邁 蘭若諸天近淇園此地遊飛濤

一夜雨寒玉半林秋卜筮依玄度裁詩擬惠休朱書

自天吏故是霍陽侯

竹砌夜蒼蒼備然野趣長由

來君子節還接令公香刺葉遲鍾鼎飛花送雨鴈山
僧趺坐久林子落釋耕 憲長李公開芳詩何嫌車

馬地種樹已成龍海鶴盤雲下佛奴出竹逢名香無
別供午夜祇聞鍾莫是蘇劉者還來玉版重 心遠

市廛外淇園漸舞龍同時人共羨曠世味相逢叢密
難窺地雲濃獨和鍾百年三萬日新遊不厭重南

昌鄧孝廉文明詩爲訪闌亭勝因過玉版君短牆清
不斷修竹澹相依河漢秋雲薄懸窗夜月虛祇應燒

短燭飽讀壁間書

一

榜評山齋寺漢圖一選開雲深

依古木露下滴蒼苔舊事心俱折新詩手自裁絕憐

壇石長獨擅挾天才

二

試問星辰聚應高太史占萬

錢興左相五綵夢江淹

江左二孝
廉在坐

似玉傳青笋如花

送白箋從來持佛戒不爲宰官廉

三

禪喜元同好相

隨到上方勞君題小草

爲予作文序

對客供名香十五盂

蘭會

昔七月之望

三千法寶莊塵談銷永夕未許據胡床

臨川湯顯祖詩并序蘇長公戲劉器之廉景寺燒

笋曰此玉版師也令子一知禪悅之味黃魯直最爲

長公所知嗜此特甚豈非其風味有入耶子載之後

復有魯直則我鍾陵明府錢塘黃貞父先生是已大

雅清真無他嗜好而獨嗜與師遊得師於城西南古

寺而新之以亭予過之則秋九月夕也月露淒淒風

篁竹韻數醕之後出玉版師焉淡以腹溫以芳雖食

瓊截肪未足云其風趣也坐右之客厥惟孝廉李君
迺始顧齋師而咲曰惟予三人耳矣師得無苦乎師
應曰苦實稱名耳亦無口身根不立舌味何存予爲
之粲然已而嘆曰貞父君上計而迺始君亦且計偕
食肉刺齒他日過而存師者非予林下人耶相爲帳
然遂長歌而送客 東坡老人何杜撰翠竹爲師參
玉版西湖有客如涪翁剪拭叢林出青眼清齋肉食
復何事蒼筤素封亦茲產含藏潤碧飽霜露剗落樊
黃映杯盞一時雅韻盈風聽百里心期隨折簡入饌

但聞疏筍氣獨醒未厭江潭莞美人月出秋河靜高
談夜入明星皖此君風味動禪悅異日賓遊記山簡
徘徊竹根焉所如今夕粲者李麟初曉此明燈發幽
色翛然玉佩臨前除望覺寒虫氣清切時聞宿鳥鳴
蕭疎却憶明湖落煙艇暮風殘雪吹人裾回頭揖別
臺殿宵洗耳長如鐘磬餘恨此林亭隔秋水瀟湘竹
意空腳踏城北長雲渺千頃何不徙置滄浪居君言
得此亦偶爾且遠市郭藏煙墟君當高謁承明廬李
郎將從奏子虛竹厨盤礴那再得恨無與可畫筆南

宮書

長洲錢希言詩寂寂山齋裏悠然寡世氛卷

簾鵬夜月閣印鎖秋雲俗化聞絃誦清風革舞文百
城論吏治冠冕不如君 載酒出城南邀歡落日酣

仙才君不忝重客我猶慚竹靄微凝露松飈欲瀉嵐
從來浚郊外常駐大夫驂 相對蔭檀欒行厨薦玉

槃入林看下鳥爲縣嘆栖鸞宦味雲俱薄冰心月共
寒立談吾豈有贈璧比琅玕 山川淳朴處選勝此

亭開不用催蕭管偏宜弄酒杯鶴隨嵇駕至馬送習

池回他日羊公石何人洗綠苔 五載著循良鳴琴

不下堂邑宜稱十室木亦擅千章未換爲卽綬空留
教子箱今宵故人共松際有清光 閩曹學佺詩宴

分中散地贏得小淇名客到已諸趣公餘何獨情草
幽苔欲雜林滿竹偏清坐久月明下時聞鍾磬聲

高安憲長陳公邦瞻詩見說鍾陵宰類過玉厥居雨
香深戶牖風影亂琴書春野饒馴雉夜溪有棄魚那
妨恒嘯咏瀟洒學禪廬 曾廣詢詩小築依南寺城

偏客少臨幾行喬木徑千載故人心野廓雲霞集窻
虛水石陰仙卽饒逸興花映給園金 千里鍾陵信

知君結構奇映門山色動薄竹露華滋笋味誰先得
秋風我後期長江今夜月脉脉繫相思 朱謀埠詩

見說仙人館遙開霧嶺間金繩隱花嶼玉笈秘松關
獨共素心賞寧容塵鞮攀年來苦相望何異隔蓬山

世外成香界官中結淨因標題纔一畝形勝足千

春竹樹饒風韻煙霞識性真不知星聚夜若箇是陳

荀 爲訪蓮花漏因成玉版居攢峯開步障古木架

精廬將客青霞上論文紫月餘一端蕭散意猶作換

鷺書 鳴琴多暇日摘藻對清明吟嘯俱堪紀風流

亦可師移將仲舉榻絕勝習家池安得羸滕往從君
一問奇張位詩捺割遊月間寄暢弄柔翰取適同
心賞斗牛夜增燦名理時造微玄尚渺雲漢蒼嶽借
偕眺綠波俯從翫托交形骸外超詣遊汗漫時泰王
版師寓踪塵可盥寄我天籟吟珠璣落霄畔清飈時
謖謖敲受冰霜幹身如坐雪堂梁月相與伴快聞異
等徵需次蓬萊觀猷納任才賢借箸陳廟筭君去北
斗高我歌南山粲它時玉笋班應憶甘棠讚

海智寺

在縣治東南白雲山

白玉蟾詩山色凝

雲翠萬里鳥聲啼落夕陽紅懶携琴去彈秋月且撥
棋來若晚風幾度醉眠知事少一番吟暢覺心空憊
庵僧號不與人相喻閉上柴門滋味濃

集善寺

在一都汝池山今廢

海惠寺

在一都龍塘山

三德寺

在一都查城山今廢

尹吳璉詩梵王宮

殿澗之阿冒暑來遊馬一過騁隙光陰忙裏度愛民
心思老來多枝柯憔悴山前豆子粒稀踈隴上禾天
意何勞苦如此試將消息問彌陀